



Inatsisartunut ilaasortaq
Kristian Jeremiassen
Siumut

20. maj 2010
Sagsnr. 2010-031158
Dok. Nr. 380928

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail: oed@nanoq.gl
www.nanoq.gl

Naalakkersuisunut Apeqquiti:

1. Qaasuitsup Kommune-ani Januar 2010-miit maannakkumut sooq qaammatini taakkunani innuttaasut akiligassaat 10 Mio. Kr.-inngoreerpat?
2. Qitiusumik akiliisitsiniartarfimmiit sakkukippallaartumik akiliisitsiniaasoqarpa?
3. Akiliisitsiniartarneq qitiusumut inissinneqarsimasoq pitsanngorsaaffigineqaqqinniarpa qanoq?

Asasara Kristian Jeremiassen – Apeqquittinnut 11/5-2010-meersunut qujanaq.

Apeqquiti siulleg; **"Qaasuitsup Kommuneani 1. januar 2010-miit maannakkumut sooq qaammatini taakkunani innuttaasut akiligassaat 10 mio. kr.-inik amerleriaateqarsimappat?"** toqqaannartumik akisinnaanginnakku ajuusaarutigaa, tassa piasarissalimmut pineqartumut (kommunimut) paasissutissanik tunniussinnaatitaannginama.

Taamaakkaluartoq Qaasuitsup Kommunea sukkulluunniit Akileraartarnermut Aqutsisoqarfimmut nammieerluni saaffiginnissinnaavoq piumasaqaatit suut akileqquneqarsimnersut, aningaasat qanoq amerlatigisut akilersinneqarsimnersut il.il. pillugit paasissutissat kissaatigisani tamaasa pissarsiariumallugit.

Tamanulli tunngatillugu oqaatigisinnaavara kommunit pisassarisaannik Akileraartarnermut Aqutsisoqarfiup akiliisitsiniartarnerata naammattumik pitsaassuseqarnersoq piffissap ingerlanerani oqaluuserineqartarsimammat oqaluuserinninnerullu nalaa tamaat Akileraartarnermut Aqutsisoqarfiup kommuninut uppernarsarsimavaa 01/04-2008-miilli piffissaq tamakkerlugu kommunit piumasaqaataat sunniutilimmik akilersinniarneqarsimasut aammalu taakku assersuutigalugu Namminersorlutik Oqartussat piumasaqaataannut naleqqiullugu tunullunneqarsimangitsut.

Apeqquippit aappaa eqqarsaatigalugu; **"Qitiusumik akiliisitsiniartarfimmiit sakku-kippallaartumik akiliisitsiniaasoqartarpaa?"** paasissutissiissutigisinnaavara pisortanut akiitsunik, kommuninut aamma namminersorlutik oqartussanut, akiliisitsiniarnerit inatsisitigut periarfissaatitaasut tamaasa atorlugit ingerlanneqartut.

Taamaakkaluartoq malugeqquneqassaaq akiitsulik pinngitsaaliilluni akiliisitsiniarnermut atatillugu aamma pisinnaatitaaffeqarmat, assersuutigalugu taanna aningaasartuutigisariaqakkaminut allanut akissaqarsinnaaqullugu aningaasanik naammattunik pissaqartussangortinneqartussaavoq, aammami akiligassallip akiliisinnaassuseqarneranut akiliisinnaassuseqannginneranulluunniit Akileraartarnermut Aqutsisoqarfik sunniuteqarsinnaanngilaq.

Apeqquvitit pingajuat eqqarsaatigalugu; **"Akiliisitsiniartarneq qitiusumut inissineqarsimasoq qanoq pitsanngorsaaffigineqaqqinniarpa"** innersuutiginiarpara Inatsisartunut ilaasortamut Naaja Nathanielsen, IA-meersup apeqqutaanut assingusumut ippassatsiaannaq akissutigita, apeqqu akissutigalugu ilanngunneqarput.

Inussiarnersumik inuulluaqqusilluta
Med venlig hilsen



Palle Christiansen